

# ბსუ-ს სტუდენტთა გზამკვლევი

## IV თავი

### სტუდენტის სწავლის საფასურთან დაკავშირებული შეღავათები ბსუ-ში

(განახლებული რედაქცია - აგვისტო, 2024 წ.)

ბსუ-ში სწავლის საფასურთან დაკავშირებული შეღავათების მინიჭებასთან დაკავშირებული რეგულაცია განსაზღვრულია ბსუ-ს წარმომადგენლობითი საბჭოს 2015 წლის 29 სექტემბრის N06 გადაწყვეტილებით დამტკიცებული „ბსუ-ს სტუდენტთა სწავლის საფასურის გადახდის წესით“ (წინამდებარე გზამკვლევის დანართი 3) და „ბსუ-ში სასწავლო სოციალური პროგრამის „სტუდენტთა შეღავათები სწავლის საფასურში“ განხორციელების წესით“ (წინამდებარე გზამკვლევის დანართი 8).

**ბსუ-ში სწავლის საფასურში შეღავათი ენიჭება სრული ოდენობით (100 %-ით, მხოლოდ პროგრამით გათვალისწინებული კრედიტების მოცულობის ფარგლებში):**

ა) ბსუ-ს საბაკალავრო/მასწავლებლის მომზადების ინტეგრირებული საბაკალავრო-სამაგისტრო/მედიცინის მიმართულებით ერთსაფეხურიანი უმაღლესი საგანმანათლებლო პროგრამის იმ სტუდენტს, რომელიც არის მშობლების მზრუნველობას მოკლებული (დედ-მამით ობოლი ან უფო-უკვლოდ დაკარგულად/გარდაცვლილად აღიარებული მშობლების შვილი);

ბ) შეზღუდული შესაძლებლობის მქონე საბაკალავრო/მასწავლებლის მომზადების ინტეგრირებული საბაკალავრო-სამაგისტრო/მედიცინის მიმართულებით ერთსაფეხურიანი/სამაგისტრო/სადოქტორო საგანმანათლებლო პროგრამის სტუდენტი.

სტუდენტისათვის სწავლის საფასურში ზემოაღნიშნული შეღავათის მინიჭების თაობაზე ადმინისტრაციის ხელმძღვანელის ბრძანება გამოიცემა სტუდენტის განცხადებისა და მის მიერ შემდეგი დოკუმენტების წარმოდგენის შემთხვევაში:

ა) მშობლების მზრუნველობას მოკლებული პირის შემთხვევაში (დედ-მამით ობოლი ან უფო-უკვლოდ დაკარგულად/გარდაცვლილად აღიარებული მშობლების შვილი ან პირი, რომელსაც გარდაცვლილი ჰყავს დედა და დაბადების აქტის ჩანაწერში მამის შესახებ მონაცემების შეტანის საფუძველი იყო დედის განცხადება) - სტუდენტის დაბადების მოწმობის, მშობლების გარდაცვალების მოწმობების ან უფო-უკვლოდ დაკარგულად/გარდაცვლილად აღიარების დამადასტურებელი დოკუმენტები;

ბ) შეზღუდული შესაძლებლობის მქონე პირის შემთხვევაში - შეზღუდული შესაძლებლობის დამადასტურებელი სამედიცინო ცნობა.

### ბსუ-ს სტუდენტს სწავლის საფასურში შეღავათი ენიჭება:

ა) მიმდინარე სემესტრიდან - თუკი შეღავათის მინიჭების საფუძველი წარმოიშვა 1 ნოემბრამდე და შემოდგომის სემესტრში წარმოდგენილია სტუდენტის განცხადება და თანდართული დოკუმენტაცია ან შეღავათის მინიჭების საფუძველი წარმოიშვა 1 აპრილამდე და გაზაფხულის სემესტრში წარმოდგენილია სტუდენტის განცხადება და თანდართული დოკუმენტაცია;

ბ) მომდევნო სემესტრიდან - თუკი შეღავათის მინიჭების საფუძველი წარმოიშვა 1 ნოემბრიდან და შემოდგომის სემესტრში წარმოდგენილია სტუდენტის განცხადება და თანდართული დოკუმენტაცია ან თუკი შეღავათის მინიჭების საფუძველი წარმოიშვა 1 აპრილიდან და გაზაფხულის სემესტრში წარმოდგენილია სტუდენტის განცხადება და თანდართული დოკუმენტაცია.

**სამხედრო მოსამსახურისა და მისი ოჯახის წევრის (მეუღლე, შვილი) განათლების ხელშეწყობის მიზნით, ბსუ-ს აკრედიტებული საგანმანათლებლო პროგრამის (საბაკალავრო/მასწავლებლის მომზადების ინტეგრირებული საბაკალავრო-სამაგისტრო/მედიცინის მიმართულებით ერთსაფეხურიანი უმაღლესი საგანმანათლებლო პროგრამების) სტუდენტს ბსუ-ს ადმინისტრაციის ხელმძღვანელის ბრძანებით ენიჭება შეღავათი (თავისუფლდებიან) **ბსუ-ში სწავლის სემესტრული საფასურის 50 %-ის ოდენობით** (სტუდენტის მიერ წარმოდგენილი განცხადებისა და შესაბამისი დოკუმენტაციის საფუძველზე (დაბადების მოწმობა, ქორწინების სარეგისტრაციო მოწმობა, ცნობა დასაქმების ადგილიდან და სხვა).**

ბსუ-ს სტუდენტებს სწავლის საფასურის გადახდასთან დაკავშირებით შეღავათები შეიძლება მიენიჭოთ წარმომადგენლობითი საბჭოს გადაწყვეტილებით დამტკიცებული „ბსუ-ში სასწავლო სოციალური პროგრამის „სტუდენტთა შეღავათები სწავლის საფასურში“ განხორციელების წესის“ (წინამდებარე გზამკვლევის დანართი 8) შესაბამისად, ბსუ-ს წარმომადგენლობითი საბჭოს სხვა გადაწყვეტილების ან/და ადმინისტრაციის ხელმძღვანელის ბრძანებით.

**გარდაცვალების გამო** ბსუ-ს სტუდენტის სტატუსშეწყვეტილი პირის სახელზე არსებული სწავლის საფასურის დავალიანება (გარდაცვალების დროისათვის არსებული) მოიხსნება/ჩამოიწერება, შესაბამისი ფაკულტეტის დეკანის სამსახურებრივი ბარათის საფუძველზე გამოცემული ადმინისტრაციის ხელმძღვანელის ბრძანებით.

**ბსუ-ს სტუდენტის უცხო ქვეყანაში** სასწავლო/სამეცნიერო კონფერენციაზე/სემინარზე/კონგრესზე მონაწილეობა შესაძლებელია დაფინანსდეს არაუმეტეს 1000 ლარის ოდენობით, ბსუ-ს პროგრამული ბიუჯეტის (შესაბამისი ქვეპროგრამის) ფარგლებში, ფაკულტეტის საბჭოს გადაწყვეტილების საფუძველზე გამოცემული ადმინისტრაციის ხელმძღვანელის ბრძანებით.